

Nunatta Qitornai

Inatsisartuni



30. oktober 2018

UKA2018/168

Nunatta kujataani aalisarnermut nunamilu inuussutissarsiornikkut periarfissanik tikkuaallunilu suussusersisussamik Naalakkersuisut UKA2019-imi saqqummiunneqartussamik nassuiaasiornissaat pillugu Inatsisartuni aalajangiiffigisassatut siunnersuut.

(Aleqa Hammond, Nunatta Qitornai)

Aqqaluaq B Egede IA-meersup naalakkersuisut nalunaarusioqquai qulaajaqqullugu Nunatta Kujataani aalisarnikkut inuussutissarsiorneq.

Tamatta ilsimaaraarput ukiuni kingullerni inuussutissarsiornikkut aammalu suliffissaaleqinikkut ajornartorsiutit aqquusaakkani Kujataa annertuumik eqqugaasoq. Tamanna kujataani borgmesterip innuttaasullumi annertuumik erseqqissaassutigaat aammalu qitiusumik iliuuseqataaffigisariaqarneranik oqariartuuteqarlutik.

Oqaatigineqartarput ukiut kingulliit Kujataanit illoqarfinnut allanut nutsertut imaanginnavittut aammalu sukkasuumik Kujataa inuerukkiartornermik nassataqartoq. Nunaqqatit aallarartut aammalu ilaqqatit aallarartut isigalugit assorsuaq ilerasunnartassaqaq pingaartumillu inuusuttut nunangisaminni siunissarissaanngitsutut takunnissinnaalersut allatullu inuusariaqalersut isigalugit erloqinas-saqaq.

Nunalerinermik inuussutissarsiuteqartorpassuit nammineersinnaassusaat sulisinnaassusaallu takungaangaku ilaqtariit napajumassusaat massa imaannaanngitsunik atugassaqaralarlutik nasaarfigisarpakka. Takornariaqarnermik inuussutissarsiuteqartut massa angallannikkut atugarissaarti-taanngikkalarlutik ingerlatsiniarlutik assoroortut takungaangakkit nasaarfigisarpakka. Aalisarnikkut inuussutissarsiuteqarlutik ingerlatsisut massa pisassatigut annerpaamik pisannikkalarlutik ingerlatsiniartut takungaangakkit nasaarfigisarpakka.

Siunnersuuteqartoq isumaqatigeqaarput ilumut inuussutissarsiornikkut Kujataa immikkut iliuuseqarfigineqarnissamik pisariaqartinneqarput.

Isumaqaqqanngilagulli nalunaarusiamik aamma allamik pisariaqartitsisut.

Isumaqaqpugut angallannikkut periarfissarissaarnerulernermik pisariaqartitsisut, tamannalu mittarfiit pillugit suliaqarnitsinni aamma Kujataata iluaqutigissuaa. Isumaqaqpugut aalisarnikkut periarfissat suli annertusarneqarpata naammattunillu pisassiissuteqartoqarpata sulisussatigut suliffissatigullu

Nunatta Qitornai

Inatsisartuni



tamanna Kujataata iluaqutigissuaa. Isumaqarpugut uumasuuteqarnermi nunalerinermilu ineri-
saanissamut suliaq tamakkiisumik tapersersuisoq pigineqalerpat Kujataata iluaqutigissuaa.

Angallannikkut aqqudit pitsaasut, pisassat naammattut aammalu siunissamik eqqanaarisumik poli-
tikkeqarneq aqqudissaasuupput pingaarutillit tamangalu angutserlutik naalakkersuisut sullinnerat
isumalluarfigeqaarput soorlu aamma tunngavilersuuteqarnerminni aalisarnikkut periarfissat am-
maffigalugit suleqataatitsinerat tusaripput.

Taamatut oqaaseqarluta nalunaarusiortitsiniarneq itigartipparput, naalakkersuisullu angallannikkut
mittarfeqarnikkut aammalu ineriwaanissamut aalisarnikkut siunnissai peqataatitsiffiusut ingerlal-
luaannaqoqaagut minnerunngitsumillu inuussutissarsiortut aallartisarniartut tunuliaqutserniar-
lugit sullinermi sulilluarnissaanik kissaappagut.